

Januaarip 25-at 2012

Matumuuna Inatsisartut suleriaasianni § 37 imm 1 naapertorlugu Naalackersuisunut apequteqarpunga:

1)
Naalackersuisut qanoq suliniuteqarpat London Miningikkut assigisaalu nunatsinni aatsitassarsiorniarnermi erngup eqqakkap misissoqqissaarneqarnissaanut tunngatillugu, uani eqqarsaatigalugu aatsitassat arrortikkuminaatsunik akut, akuutissat assigisaalu pillugit nakkutilliineq?

2)
Aatsitassarsiornermi avatangiisit aammalu innuttaasut peqqissusaannik qulakkeerinninniarneq Naalackersuisut qanoq isiorlutik qulakkeerniarpaat, tamannalu misissueqqaarnissamut qinnuteqaateqarnermit sioqqutsisumik iliuuseqarfiginissaa pilersaarutaasimappat suut iliuuserineqalersarpat?
(Aleqa Hammond, Siumut)

Tunngavilersuut:

Siumut isumaqartuarpoq aatsitassarsiornermi sapinngisamik innuttaasut peqqissusaat avatangiisillu eriagilluinnarlugit ingerlatsisoqassasoq. Naalackersuisut qanoq pilersaaruteqarpat tamassuma qulakkeerniarneqarnissaanut – pingaartumik maanna aatsitassarsioriumallutik misissueqqaarnissamik qinnuteqaatit ingerlanneqalereenera eqqarsaatigalugu ilanngullugu paaserusunnarpoq selskabersuit angisuunut avatangiisinut aammalu innuttaasut peqqissuunissaanut akisussaaqataasinnaanerat qanoq qulakkeerniarneqarpa?

Kissaatigaara apeqqutima ullut suliffiusut qulit qaangiutsinnagit akineqarsimassasoq.